



Publicaziuns officialas dils 27-10-2017

Damonda da baghegiar posteriura

Nr. 97/2017

Datum da publicaziun: 27-10-2017
Patrun: Artavels A. Tuor-Desax, 7172 Rabius
Representant: Tuor Gion, 7172 Rabius
Liug e parcella: Via Sursilvana; 4966
Object: remplazzament dallas finiastras

Ils profils ein tschentai ed ils plans da construcziun ein deponi tier la canzlia communal.
L'investa publica cuozza 20 dis dapi il datum da publicaziun.

Eventualas protestas encunter sura damonda da baghegiar ein d'inoltrar alla cumission da baghegiar Sumvitg enteifer 20 dis dapi il datum da publicaziun.

Sumvitg, 27-10-2017

Cumission da baghegiar Sumvitg

Preavis / Radunonza communal

La proxima radunonza communal ha liug **venderdis, ils 15 da december 2017** allas **20.00 uras**. La gliesta da tractandas vegn publicada a dretg temps.

Sumvitg, 27-10-2017

Suprastonza communal

Preparaziun sin temps d'unviern

Tenor art. 69 dalla lescha da baghegiar ei la vischnaunca autorisada da schar dismetter la neiv dils implonts publics d'avertura sil schischom privat cunfinont cun prender il duiv risguard sin baghetgs, implonts e cultiras. Per liung dallas vias publicas e privatas ein seivs demontablas ni implonts da tal gener d'allontanar. Ultra da quei ston caglias e roma vegnir tagliadas anavos aschia che la rumida da neiv vegn buca impedida.

Quellas lavurs da preparaziun sil temps d'unviern ston vegnir exequidas entochen alla fin d'october 2017. En cass d'omission refusescha la vischnaunca suenter la sesiun d'unviern scadins donns occuri ord la rumida da neiv.

Sumvitg, 27-10-2017

Departament traffic

Rumida da neiv 2017/2018

La vischnaunca exequescha era uonn puspei sin incarica la rumida da neiv per privats. L'indemnisaziun per quella lavur corrispunda allas cundiziuns che l'industria privata pretenda. Plinavon sto quella dismessa da neiv star anavos en prioritad alla rumida dils implonts publics d'avertura. Sche pusseivel duei l'incarica vegnir surdada alla vischnaunca mo leu nua che quella procura era la dismessa dallas vias cunfinontas. Vischinas e vischins che vulan schar exequir la vischnaunca la rumida da neiv da lur vias e parcadis privats duront gl'unviern proxim ein supplicai d'annunziar quei a scret ni per telefon entochen ils **31 d'october 2017** al cau dil menaschi stradal (tel. 079 638 18 19).

Sumvitg, 27-10-2017

Departament traffic

Donaziun fundaziun Greina

Sebasond sin art. 5 dil reglament pertuccont diever dalla donaziun fundaziun svizra per la tgira dalla cuntrada, ston damondas per ina contribuziun vid in project vegnir inoltradas alla cumissiun Greina entochen ils 30 da november 2017 digl onn precedent cul formular corrispondent tier l'administraziun communal. Nus supplichein per notizia da quest avis.

Cumissiun Greina

Corp da pumpiers Sumvitg/Trun

Incorporaziun 2018

Umens e dunnas naven dall'annada 1997 che giavischan da prestar survetsch activ da pumpiers san s'annunziar **entochen ils 11-11-2017** tier il cumandant Martin Decurtins, Via Campliun 9, 7166 Trun (decurtinsmartin@hotmail.com). Ulteriuras personas tenor indicaziun dallas administraziuns communalas vegnan contactadas directamein a scret.

Pumpiers Sumvitg/Trun

Uniun da catschadurs Greina, Sumvitg

Invit alla tgira d'atun

Nus serimnein sonda, ils 28 d'october 2017 a Sulagval.

Temps da lavur: 7.30–13.00

Plazza da lavur: Laus (Via Baselgia/Runca Sut)

Uaffens: Vons, resgia da cadeina, capellina e caultschas da resgiar da segirtad.

Eventual sclariment dat nies cau da tgira Corsin Giger, tel. 078 736 97 90, ni sut

www.catschadurs-greina.ch. Cun amicabels salids e sin seveser!

Per la suprastonza, il cau da tgira, Corsin Giger

Uniun da cultura e sport Cumpadials

La radunonza generala ha liug sonda, **ils 28 d'october**, allas 18.00 ell'ustria «Cruna» a Sumvitg. Novs commembers e novas commembras ein cordialmein envidai. Nus selegrein d'ina stedia participaziun.

La suprastonza

Acziun da spender saung

Gliendisdis, ils 30 d'october 2017 dallas 18.30–20.30 en sala da cultura a Trun
Cordialmein envida l'uniun samaritana *Sumvitg-Trun era Vus/Tei!*

Controllas apparats d'udida

Gliendisdis, ils 30 d'october 2017 saveis Vus schar schubergiar e rugalar Vies apparat d'udida:

9.00–10.30 en Casa sogn Martin a Trun

11.00–11.40 en Casa sogn Giusep a Cumpadials

13.15–14.30 el Puntreis, Center da sanadad a Mustér

Las firmas Amplifon cun dunna Roffler e Jäggi cun signur Gfeller sorprendan comunabla-mein quei survetsch gratuit per tuts interessents. Ei drova negina annunzia.

Societad da tir voluntaria Trun

Cuors da sittar cun buis d'aria cumprimida

Entschatta: 26-11-2017, 17.00

Liug: Stan da sittar, Pustget

Annada: 2010 e pli vegls

Annunzias prendel bugen encunter **entochen ils 20-11-2017**, Baseli Tomaschett, 081 943 33 43.

31 d'october 2017 sera d'informaziun

Scola da talents.Surselva

Leis Vus possibilitar a Vies affon ina buna cumbinaziun denter scola e promoziun da talent? Mardis, ils 31 d'october 2017 presenta la Scola da talents.Surselva a tut ils interessai sia purschida adattada a giuvens sportists e musicists. L'occurrenza entscheiva allas 19.30 en l'aula dalla casa da scola Glion. Vegni nunligiontamein sperasvi – nus selegrein sin Vus! Dapli informaziuns anfleis Vus sut www.talentschule-surselva.ch.

Infoabend TalentSchule.Surselva am 31. Oktober 2017

Möchten Sie Ihrem Kind eine gute Verbindung von Schule und Talentförderung ermöglichen? Am Dienstag, 31. Oktober 2017, stellt die TalentSchule.Surselva allen Interessierten ihr massgeschneidertes Angebot für junge Sportler und Musiker vor. Der Anlass startet um 19.30 Uhr in der Aula der Schule Ilanz. Kommen Sie unverbindlich vorbei – wir freuen uns auf Sie! Mehr Infos dazu unter www.talentschule-surselva.ch.